

Na osnovu člana 108. i 109. Zakona o odgoju i obrazovanju u osnovnoj i srednjoj školi u Kantonu Sarajevo („Službene novine Kantona Sarajevo“, broj: 27/24), člana 3. i 4. Pravilnika o izboru, imenovanju i razrješenju direktora osnovnih škola Kantona Sarajevo („Službene novine Kantona Sarajevo“, broj: 2/18, 32/18 i 30/19) i Odluke Školskog odbora Javne ustanove „Šesta osnovna škola“ Ilidža- Stup, broj: 01-1-1398/26 od 03.09.2026. godine, Školski odbor Javne ustanove „Šesta osnovna škola“ Ilidža- Stup, raspisuje

JAVNI KONKURS
za izbor direktora/direktorice Javne ustanove „Šesta osnovna škola“ Ilidža- Stup na
mandatni period od 4 (četiri) godine

I - USLOVI ZA IMENOVANJE DIREKTORA

Pored općih uslova predviđenih Zakonom, kandidat za poziciju direktora/direktorice škole mora ispunjavati i sljedeće uslove:

- a) da u pogledu stručne spreme ispunjava uvjete za radna mjesta u školi u kojoj konkuriše, a kako slijedi: nastavnik, pedagog, pedagog-psiholog i psiholog,
- b) da ima najmanje osam godina radnog staža a od toga ukupno najmanje pet godina radnog staža na poslovima radnih mjesta iz tačka a) ovog Javnog konkursa ili na rukovodnim poslovima u školi (poslovi direktora ili pomoćnika direktora/voditelja dijela nastavnog procesa),
- c) da ima najmanje visoku stručnu spremu ili najmanje završen I ciklus bolonjskog visokoobrazovnog procesa sa 240 ECTS bodova,
- d) da ima najmanje stručno zvanje mentora,
- e) da nije lice koje je u istoj školi birano četiri puta na poziciju direktora ili pomoćnika direktora/voditelja dijela nastavnog procesa,
- f) da nije lice koje ima smetnje za imenovanje i obavljanje funkcije u skladu sa Zakonom o sukobu interesa u organima vlasti Federacije Bosne i Hercegovine („Službene novine FBiH“, broj: 70/08) i Zakonom o ministarskim, vladinim i drugim imenovanjima Federacije Bosne i Hercegovine („Službene novine FBiH“, broj: 12/03, 34/03 i 65/13), kao ni lice koje ima smetnje za imenovanje i obavljanje funkcije u skladu sa Zakonom o prevenciji i suzbijanju korupcije u Kantonu Sarajevo („Službene novine KS“, broj: 35/22, 44/22-Ispravka i 52/22-Ispravka),
- g) da nije lice protiv kojeg je potvrđena optužnica ili izrečena pravosnažna presuda ili mjera za jedno ili više krivičnih djela za koja se odredbama važećeg Krivičnog zakona Federacije Bosne i Hercegovine može izreći kazna zatvora u trajanju od tri mjeseca i više,
- h) da nije lice za koje se utvrdi da je alkoholičar, ovisnik o narkoticima, ili da boluje od zarazne ili duševne bolesti,
- i) da nije otpušten iz državne službe kao rezultat disciplinske mjere na bilo kojem nivou u Bosni i Hercegovini u periodu od tri godine od dana prijavljivanja na Javni konkurs,
- j) da se na njega ne odnosi član IX1. Ustava Bosne i Hercegovine (lica koja služe kaznu ili su pod optužnicom od strane Međunarodnog tribunala za bivšu Jugoslaviju, a koja se nisu povinovala naredbi da se pojave pred Tribunalom),
- k) da nije osuđivan za krivično djelo i privredni prijestup nespojiv sa obavljanjem dužnosti direktora škole,
- l) da nema privatni finansijski interes u školi u kojoj se kandiduje za direktora,
- m) da nije lice razrješeno dužnosti direktora zbog dokazanog kršenja zakona, korupcije, mita, nepotizma, profesionalne nekompetentnosti ili nemara, nesavjesnog i nestručnog obavljanja poslova direktora.

II - SADRŽAJ PRIJAVE

Kandidati su dužni dostaviti sljedeću dokumentaciju (original ili ovjerenu fotokopiju):

1. Svojeručno potpisanu pisanu prijavu na Javni konkurs sa kontakt podacima i tačno navedenom dokumentacijom koja se prilaže uz prijavu
2. Kraću biografiju – CV
3. Izvod iz matične knjige rođenih
4. Uvjerenje o državljanstvu (ne starije od 6 mjeseci od dana objavljivanja Javnog konkursa)
5. Diplomu o stečenoj stručnoj spremi
6. Uvjerenje o položenom stručnom ispitu
7. Rješenje o sticanju višeg stručnog zvanja
8. Uvjerenje/Potvrdu o radnom stažu na poslovima u nastavi ili na pedagoško psihološkim poslovima ili na rukovodnim poslovima u školi (poslovi direktora ili pomoćnika direktora/voditelja dijela nastavnog procesa)
9. Rješenje o sticanju višeg stručnog zvanja
10. Izjavu ovjerenu od strane nadležnog općinskog organa kojom kandidat potvrđuje da nije lice koje je u istoj školi birano četiri puta na poziciju direktora ili pomoćnika direktora/voditelja dijela nastavnog procesa.
11. Izjavu ovjerenu od strane nadležnog općinskog organa kojom kandidat potvrđuje da nije lice koje ima smetnje za imenovanje i obavljanje funkcije u skladu sa Zakonom o sukobu interesa u organima Federacije Bosne i Hercegovine („Službene novine FBiH“, broj: 70/08) i Zakonom o ministarskim, vladinim i drugim imenovanjima Federacije Bosne i Hercegovine („Službene novine FBiH“, broj: 12/03, 34/03 i 65/13), kao ni lice koje ima smetnje za imenovanje i obavljanje funkcije u skladu sa Zakonom o prevenciji i suzbijanju korupcije u Kantonu Sarajevo („Službene novine KS“, broj: 35/22, 44/22 Ispravka, 52/22-Ispravka),
12. Izjavu ovjerenu od strane nadležnog općinskog organa kojom kandidat potvrđuje da nije lice protiv kojeg je potvrđena optužnica ili izrečena pravosnažna presuda ili mjera za jedno ili više krivičnih djela za koja se odredbama važećeg Krivičnog zakona Federacije Bosne i Hercegovine može izreći kazna zatvora u trajanju od tri mjeseca i više
13. Izjavu ovjerenu od strane nadležnog općinskog organa kojom kandidat potvrđuje da nije alkoholičar, odnosno ovisnik o narkoticima i da nije lice koje boluje od zarazne ili duševne bolesti.
14. Izjavu ovjerenu od strane nadležnog općinskog organa kojom kandidat potvrđuje da nije otpušten iz državne službe kao rezultat disciplinske mjere na bilo kojem nivou u Bosni i Hercegovini u periodu od tri godina od dana prijavljivanja na Javni konkurs.
15. Izjavu ovjerenu od strane nadležnog općinskog organa kojom kandidat potvrđuje da se na njega ne odnosi član IX1. Ustava Bosne i Hercegovine (lica koja služe kaznu ili su pod optužnicom od strane međunarodnog tribunala za bivšu Jugoslaviju, a koja se nisu povinovala naredbi da se pojave pred Tribunalom)
16. Izjavu ovjerenu od strane nadležnog općinskog organa kojom kandidat potvrđuje da nije osuđivan za krivično djelo i privredni prijestup nespojiv sa obavljanjem dužnosti direktora škole
17. Izjavu ovjerenu od strane nadležnog općinskog organa kojom kandidat potvrđuje da nema privatni finansijski interes u školi u kojoj se kandiduje za direktora
18. Izjavu ovjerenu od strane nadležnog općinskog organa kojom kandidat potvrđuje da nije lice razrješeno dužnosti direktora zbog dokazanog kršenja zakona, korupcije, mita, nepotizma, profesionalne nekompetentnosti ili nemara, nesavjesnog i nestručnog obavljanja poslova direktora.

Napomena:

- Uvjerenje da nije lice protiv kojeg je potvrđena optužnica ili izrečena pravosnažna presuda ili mjera za jedno ili više krivičnih djela za koja se odredbama važećeg Krivičnog zakona Federacije Bosne i Hercegovine može izreći kazna zatvora u trajanju od tri mjeseca i više, te uvjerenje da nije osuđivan za krivično djelo i privredni prijestup nespojiv sa obavljanjem dužnosti direktora škole (ne starije od tri mjeseca), bit će pribavljeno po službenoj dužnosti za izabranog kandidata, prije imenovanja.
- Ljekarsko uvjerenje izdato od nadležne zdravstvene ustanove (kao dokaz opće zdravstvene sposobnosti), koje nije starije od šest mjeseci, izabrani kandidat dostavlja Školi nakon imenovanja za direktora škole, a prije potpisivanja ugovora o radu.

III - KONKURSNI ROK

Javni konkurs ostaje otvoren 15 (petnaest) dana od dana posljednjeg objavljivanja. Javni konkurs objavljen je u dnevnim novinama „Oslobođenje“ dana 08.09.2026. godine, kao i na službenoj stranici Ministarstva za odgoj i obrazovanje Kantona Sarajevo. Krajnji rok za dostavu dokumentacije je 23.09.2026. godine.

IV - VRIJEME NA KOJE SE VRŠI IMENOVANJE

Direktor Javne ustanove "Šesta osnovna škola" Ilidža- Stup će se imenovati na mandatni period od 4 (četiri) godine.

V - NAČIN I ROK OBAVJEŠTAVANJA

Školski odbor će, u roku od 8 (osam) dana od dana donošenja odluke o imenovanju direktora škole, o navedenoj odluci, u pisanom obliku, obavijestiti sve kandidate koji su se prijavili na javni konkurs.

VI - DOSTAVA DOKUMENTACIJE

Svojeručno potpisanu pisanu prijavu i traženu dokumentaciju kandidati dostavljaju preporučeno putem pošte ili lično sekretaru škole u zatvorenoj koverti na adresu škole:

Javna ustanova "Šesta osnovna škola" Ilidža- Stup, ul. Bare kod Stupa br. 63., 71210 Ilidža u zatvorenoj koverti sa naznakom: "Prijava na Javni konkurs za izbor direktora/direktorice škole - ne otvaraj (otvara Komisija)".

Procedura izbora i imenovanja direktora škole obaviti će se u skladu sa Pravilnikom o izboru, imenovanju i razrješenju direktora osnovnih škola Kantona Sarajevo („Službene novine Kantona Sarajevo“, broj: 2/18, 32/18 i 30/19).

Napomena: Nepotpune i neblagovremene prijave neće se uzeti u razmatranje.

Školski odbor Javne ustanove „Šesta osnovna škola“
Ilidža- Stup